

Na osnovu člana 2. i 11. Zakona o privatizaciji preduzeća („Sl. novine FBiH“ broj 27/97, 8/99, 32/00, 45/00, 61/01, 27/02, 33/02, 28/04, 44/04, 42/06 i 4/09), člana 2. i 6. Pravilnika o postupku prodaje javnim prikupljanjem ponuda (tender) u velikoj privatizaciji („Sl. novine FBiH“, broj 77/04), Odluke Upravnog odbora Kantonalne agencije za privatizaciju broj 03-741/2012 od 01.10.2012. godine, Rješenja direktora Kantonalne agencije za privatizaciju broj 01-742/2012 od 01.10.2012. godine, Odluke Vlade TK broj 02/1-19-18892/12 od 21.09.2012. godine, Kantonalna agencija za privatizaciju Tuzla objavljuje:

JAVNI POZIV broj 46

Za prodaju državnog kapitala preduzeća „Rudnici nemetala Kladanj“ d.o.o. Kladanj
metodom tendera u velikoj privatizaciji

Naziv i pravni status: „Rudnici nemetala Kladanj“ d.o.o. Kladanj

Sjedište: Ulica Patriotske lige broj 7. - Kladanj

Vrsta djelatnosti: Vađenje ostalih ruda i kamena D. N.

Struktura kapitala: 100% državni kapital

Predmet prodaje: Sticanje udjela pribavljanjem dodatnog kapitala (dokapitalizacija) u iznosu od 567.200,00 KM „Rudnici nemetala Kladanj“ d.o.o. Kladanj metodom tendera

Broj zaposlenih: 13

Prodavac: Kantonalna agencija za privatizaciju Tuzla

Promet za prethodne dvije godine:

Bilansna pozicija	2010. godina	2011. godina	30.06.2012.
Prihodi (KM)	21.642	138.304	103.802
Rashodi (KM)	204.444	195.640	204.560
Dobitak (KM)	-	-	-
Gubitak (KM)	182.802	57.336	100.758

Ponuđena cijena za kupovinu udjela ne može biti manja od 1.000.000,00 KM i plaća se isključivo u novcu.

Sve ponude ispod navedene cijene neće se razmatrati niti vrednovati.

Kantonalna agencija za privatizaciju Tuzla od ostvarene kupoprodajne cijene će izvršiti prenos sredstava u iznosu od 567.200,00 KM na račun preduzeća „Rudnici nemetala Kladanj“ d.o.o. Kladanj u skladu sa članom 33. stav 1. Zakona o privatizaciji preduzeća („Sl. novine FBiH“ broj 27/97, 8/99, 32/00, 45/00, 61/01, 27/02, 33/02, 28/04, 44/04, 42/06 i 4/09).

Odlukom Vlade Tuzlanskog kantona broj 02/1-18-21089/12 od 01.10.2012. godine „Rudnicima nemetala Kladanj“ d.o.o. Kladanj dodjeljena je koncesija za eksploataciju magnezita na ležištu „Konjuh“ u općini Kladanj na period od 20 (dvadeset) godina.

Upravljanje, raspolaganje i korištenje imovine preduzeća „Rudnici nemetala Kladanj“ d.o.o. Kladanj odvijat će se saglasno Zakonu o proglašenju dijela područja planine Konjuh zaštićenim pejzažom „Konjuh“ („Službene novine TK“, broj 13/09).

Upravljanje prirodnim resursom magnezitom je u nadležnosti resornih ministarstava Vlade Tuzlanskog kantona shodno Zakonu o geološkim istraživanjima Tuzlanskog kantona („Službene novine TK“, broj 14/11) i Zakonu o rudarstvu Tuzlanskog kantona („Službene novine TK“, broj 14/2011).

Izvršena je prospekcija svih rudarskih objekata jame „Rudnika nemetala Kladanj“ d.o.o. Kladanj, kojom je utvrđeno da je moguć nastavak eksploatacije.

Podnošenje ponuda i obaveze ponuđača:

Pravo učešća na tenderu imaju sva fizička i pravna, domaća i strana lica u skladu sa članom 12. Zakona o privatizaciji preduzeća („Sl. novine FBiH“ broj 27/97, 8/99, 32/00, 45/00, 61/01, 27/02, 33/02, 28/04, 44/04, 42/06 i 4/09) (u daljem tekstu: Zakon).

Ostvarena kupoprodajna cijena plaća se isključivo u novcu.

Ponude se podnose neposredno ili preporučenom poštom na adresu: Kantonalna agencija za privatizaciju Tuzla, Ul. Soli broj 2, 75000 Tuzla, zaključno sa **21.11.2012. godine** do 16:00 sati po lokalnom vremenu, u zapečaćenoj koverti na kojoj je naznačeno „Prijava na tender br. 46 – „Rudnici nemetala Kladanj“ d.o.o. Kladanj“ i podnosi se na jednom od jezika u službenoj upotrebi u Federaciji Bosne i Hercegovine.

Ponude poslone poštom smatrat će se valjanim ukoliko je datum otpreme pošte u skladu sa krajnjim rokom za podnošenje ponuda i budu zaprimljene u Kantonalnoj agenciji za privatizaciju Tuzla u roku od 5 dana od dana isteka krajnjeg roka za podnošenje ponuda.

Ponude dostavljene lično nakon 21.11.2012. godine do 16:00 sati po lokalnom vremenu ili poštom zaprimljene nakon utvrđenog roka iz prethodnog stava smatrat će se formalno neispravnim.

Na koverti se ne navodi ime ponuđača ili druga oznaka koja otkriva identitet ponuđača.

U koverti se uz ponudu dostavlja dokaz o izvršenom plaćanju depozita (garancije) u iznosu od 50.000,00 KM i naknade za učešće u iznosu od 2.000,00 KM. Ponuđač umjesto dokaza o uplati depozita može dostaviti bankovnu garanciju na iznos depozita koja mora biti bezuslovna, neopoziva i naplativa na prvi poziv Kantonalne agencije za privatizaciju Tuzla sa rokom važenja najmanje 180 dana od krajnjeg roka za dostavu ponuda. Ponuđač je dužan u koverti sa ponudom i dokazima o uplati depozita i naknade za učešće dostaviti izjavu pod punom moralnom, materijalnom i krivičnom odgovornošću da nema smetnji u smislu člana 12. Zakona da učestvuje u postupku privatizacije, u protivnom ponuda će se smatrati formalno neispravnom.

Izjava za fizičko lice treba biti ovjerena kod nadležnog organa, a za pravna lica pečatom društva. Pravna lica uz ovjerenu izjavu dužna su dostaviti i ovjerenu fotokopiju rješenja o upisu u sudski registar, od nadležnog organa.

Povrat depozita, odnosno garancije, neće se izvršiti u slučaju da pobjednik tendera odbije zaključiti kupoprodajni ugovor u skladu sa svojom ponudom.

Pobjednik tendera je dužan do potpisivanja kupoprodajnog ugovora dostaviti potvrdu od nadležnog organa kojom se potvrđuje da nema smetnji u smislu člana 12. Zakona da učestvuje u postupku privatizacije, kao i bankovnu garanciju za ispunjenje ugovornih obaveza kako je navedeno u tački 13. Pravila tendera za prodaju udjela u državnom vlasništvu.

Depozit se plaća na račun Kantonalne agencije za privatizaciju Tuzla broj 1321000309220682 kod NLB banke d.d. Tuzla, a naknada za učešće bez prava povrata na račun broj 1321000309152103 kod NLB banke d.d. Tuzla.

Za uplate iz inostranstva:

1. INTERMEDIARY BANK: Nova ljubljanska banka DD Ljubljana, BIC: LJBAS12XXXX
2. ACCOUNT WITH INSTITUTION: 900-81801-978-4010/64, NLB banka DD Tuzla, BIC: TBTUBA22
3. BENEFICIARY CUSTOMER: IBAN: BA391321010175973382 TBTUBA22
Kantonalna agencija za privatizaciju Tuzla

Vrijednost uplaćenog depozita u bilo kojoj stranoj valuti mora odgovarati iznosu depozita (50.000,00 KM), odnosno naknade za učešće na tenderu (2000,00 KM).

Troškove konverzije i bankarske provizije snosi ponuđač.

Utvrđivanje formalne ispravnosti, vrednovanje ponuda i izbor najpovoljnijeg ponuđača

Ponuđači će biti obaviješteni o formalnoj ispravnosti ponuda u roku od 3 (tri) dana od dana utvrđivanja ispravnosti istih.

Vrednovanje i rangiranje formalno ispravnih ponuda će se izvršiti u skladu sa kriterijima navedenim u dokumentaciji za tender, a prema Pravilniku o postupku prodaje javnim prikupljanjem ponuda (tender) u velikoj privatizaciji („Sl. novine Federacije BiH“ broj 77/04), a izbor najpovoljnijeg ponuđača će se izvršiti u rokovima utvrđenim u navedenom Pravilniku.

Otvaranje ponuda sa verifikaciom dokumentacije pristiglih ponuda bez saopštenja elemenata ponuda, održat će se **03.12.2012. godine** u 11,00 sati u prostorijama Kantonalne agencije za privatizaciju Tuzla.

Detaljne informacije o kriterijima za ocjenjivanje ponuda, formi za podnošenje ponuda za sudjelovanje u tenderu, izjavi o povjerljivosti, kao i detaljnije informacije o preduzeću čiji se kapital prodaje, mogu se dobiti kod Komisije Kantonalne agencije za privatizaciju ili posjetom preduzeću, a nalazit će se i na web stranici www.apf.gov.ba, te su potencijalni ponuđači, prilikom sačinjavanja ponude, obavezni se istih pridržavati.

Prodavac: Kantonalna agencija za privatizaciju Tuzla

Adresa: UI Soli broj 2, 75000 Tuzla

Kontakt osoba: Komisija za tender

E-mail: kaptk@bih.net.ba

Telefon/Fax: ++387 35 290-216; 290-217;